



Antxitxiketan aisialdi taldea:

“Gure erronka nagusia DBHko gazteak erakartzea da”

20. urteurrena beteko du Antxitxiketanek 2014an. Ibilbide luzea du atzetik eta etorkizunean bide horri jarraipena emateaz gain, bertako kideak desafio berriei aurre egiteko gogotsu daude. Aldaketak egin dituzte koordinazio taldean, lokal propioa izan nahiko lukete eta ekimen berrien artean, bazkalosteko tailerrak eta ‘gaztetxokoa’ sortu nahiko lituzkete. Gainera, udako denboraldia bukatu berria da eta horri ere, errepasotxo egin diogu.

- *Antxitxiketan taldeari astindutxo eman diozue aurten, ezta?*

Bai, koordinazioan aldaketa egon da. Arduradun bat egon beharrean, lan egin eta gauza berriak egiteko gogoia dugun taldea osatu dugu. Udalekuek gain, urtean zehar ere bestelako ekintzak antolatu nahiko genituzke.

- *Baduzue jada zerbait buruan?*

Bai, gauzatxo batzuk bai. Bazkalostean umeek eta gazteek ordubete inguru izaten dute libre, esaterako, eta tartetxo hori, euskaraz hitz egin dezaten aprobetxatu nahiko genuke. Asteburuetan mendi irteerak egin nahiko genituzke, 'gaztetxoko' moduko lokalen bat izan, ludoteka irekia umeentzat, koadrilen arteko olinpiadak... Gauza asko!

- *Zenbat lagunak diharduzue koordinazio taldetxo horretan?*

10 ginen, baina erabakiak hartzeko asko ginela konturako ginen eta 4 edo 5 gabil-tza orain. Ideiak denonak dira, baina garatu, taldetxo horretan garatzen dira.

- *Bide berri honetan kanpoko laguntzarik izan duzue?*

Bai, Euskal Birusak asko lagundu digu. Bestalde, taldeko koordinatzailea izan zen Ane Saénzekin harremana izaten jarraitu dugu eta asko animatu gaitu. Hasieran zalantzak genituen



Ongarai Eskolako ludoteka



Anaitasuna Ikastolako ludoteka



Gazte Ibiltariak

eta... Udalak, berriz, batzuetan lagundu eta beste batzuetan trabak baino ez dizkigu ipintzen: paper mordoa bete, lokalik ez...

- *Martxan jarri nahi dituzuen ekimen horiekin, zein adin tartetan eragin nahi-ko zenukete?*

Txikiekin bidea egina daukagu, erronka da DBHkoak erakartzea. Gero eta gazteago hasten dira edaten, lokaletan sartuta egoten dira... Berrizen edo Arrasaten adibidez, 'gaztetxokoak' dituzte, mahai-futbolekin, kartekin... Eta bertan bi edo hiru begirale egoten dira.

- *Lokal baten beharra sumatzen duzue?*

Bai, bilerak egiteko, gurasoei biltzeko, materiala

gordetzeko, jendeak nora jo behar duen jakiteko, zerbait antolatu nahiko bagenu... Orain arte Lobianon egon gara, baina hor ordutegi bat dago eta ezin gara sartu behar dugun bakoitzean. Independentzia gehiago behar dugu.

- *Gurasoei harreman handia duzue?*

Ez asko. Udalekuek ematea eta egitaraua jasotzea udaletxean egiten da, beraz, guk umeak ekarri eta jasotzen dituztenean ikusten ditugu bakarrik gurasoak. Hori ere aldatu nahi dugu. Aurten momentuz, asebetetze inkesta beteaz nahi diegu gurasoei, zerbait hobetu daitekeen, proposamenak egiteko...

- *Eta aldaketa hauen aurrean zein da Udalaren jarrera?*

Ba datorren urtean lehia-keta publikoa egiteko asmoa du. Antxitxiketanek 20 urte beteko ditu datorren urte-

an. Egia esan, horrelako elkarte herrian izanda, bertako begiraleekin eta kanpora jotzea... pena litzateke. Baina egindako bideak antza ez dauka garrantzirik!

- *Aurtengo kanpaina bukatu berri dago. Zenbat ume izan dituzue?*

159 ume izan ditugu udaletxuetan, 6 urtetik 12 urtera. Horiek 3 talde ezberdinetan banatuta egon dira, adinaren arabera. Txikienekin jolasak egin ditugu batez ere eta ertain eta nagusiekin bi gaueko irteera egin dugu. Ertainekin Zestoan dagoen Sastarrain aterpetxera joan gara eta nagusiekin Lizarrara. Urtetik urtera leku ezberdinak aukeratzen saiatzen gara...

- *Aurten berrikuntzarik izan al da?*

Berrikuntzarik handiena 'Katxanba eguna' izan da, hiru taldeekin ospatu dugu.

- *Eta zer da 'Katxanba'?*

"Lokal baten beharra sumatzen dugu, aurrera egiteko independentzia gehiago behar baitugu"



Antxitxiketan taldeak ez duela pertsonaiarik konturatu ginen. Logoa daukagu, baina ez du joko handirik ematen eta panpinen bat asmatu behar genuela pentsatu genuen, batez ere txikienekin jolasteko.

- **Abestia ere baduzue, ezta?**

Bai, kantatzea asko atsegin duten begirale bi daude taldean (Naiara Gallastegi eta Leire Elustondo) eta bilera batean, 5 minututan, letra sortu zuten. Musika Eskolan dauden beste gazte batzuk musika egin zuten, grabatu eta listo! Kanta eta dantza daukagu orain. Uda-ko 'hit'a izango da... Begirale batek jantzi zuen Katxanbaren mozorroa, goma

EVA eta fieltroz egina dagoena.

- **Eta zer egin zuten umeek egun horretan?**

Goizean Korrika antzerako bat egin genuen herriko kaleetan zehar. Arratsaldean, berriz, 'lip dub'a egin genuen. Hau da, umeak leku ezberdinetan grabatu genituen Katxanbaren abestia kantatzen eta gero abesti originala ipini dugu fondo moduan, play-backa izango zela pentsatu genuen, baina ez, oso ondo geratu da eta orain, nonbaiten ikusgai jarri nahi dugu, Ertzeko plaza-txoan edo...

- **Abestiari etekina atera diozue, orduan...**

Bai, umei asko gustatu

"Katxanba eguna izan da aurtengo berrikuntza, asko gustatu zaie"

zaie, txikiei eta handiei. Koreografiatxo ere arin ikasi dute!

- **Horrez gain ludoteka eta Gazte Ibiltariak ekimena abiatu dituzue aurtun, ezta?**

Bai, aurtun egin ditugu lehen aldiz. Ongarai Eskolan eta Anaitasuna Ikastolan izan dugu ludoteka 4 astez, 2 eta 6 urte bitarteko umeentzat. Bertan 3 begirale izan ditugu eta hauek praktiketako begiraleak izan dituzte laguntzaile. Ume kopurua aldatzen joan da, umeak asteka apuntatzeko aukera eman dugulako, baina ume gehien izan ditugun astean, 25 izan ditugu Anaitasuna Ikastolan eta Ongarain 10 bat ume.

- **Eta Gazte Ibiltarien ekimenean zer proposatzen zenuten?**

Bi proiektu aurkeztu genizkien DBHko ikasleei. 1. eta 2. mailakoei Oriotik Zarautzera joateko aukera eman genien eta 3. eta 4. mailakoei Ermutik Lekeitiora, biak oinez egitekoak dira. Lekeitiokoa ezin izan dugu egin, ez delako jenderik

apuntatu baina bestean 18 neskek eman zuten izena. 3 eguneko irteera izan egin zuten eta primeran pasatu ere! Zarauzko ikastolako gimnasioan egin dute lo, ikastolen elkarteko ingeleseko udalekuekin batera. Getarian, kostata, Arratoia ikustera igo ziren, kalean afaldu eta gauean jai hawaiarra egin zuten hondartzan. Hona bueltan, taillerak egin zituzten ostegun eta ostiralean. Ostegunean itxura aldaketa (hennako tatuajeak, maskarak eta horrelakoak) eta ostiralean 'Urban Fest' egin genuen, hip-hop eta break dance dantzaria etorri zen eta gazteek graffitiak egiteko aukera izan zuten.

- **Kontua modernizatzen doa, beraz?**

Bai, bestela zaila da gazteak erakartzea. 3. eta 4. mailakoak, adibidez, ez dira apuntatu... Baina tira, lehen urtea da. Datorren urtean aurretik antolatuko dugu, beharbada datak aldatuta gehiago apuntatuko dira, ikusi behar!

Dorleta Vidal



Aurtengo udalekuetako ume eta begiraleak



URRETA

burdindenda

- * Etxea
- * Tresneria
- * Brikolaia
- * Rielak
- * Giltzak
- * Zerrailgintza
- * Kit altzariak

Beharkalea 8 Tel: 943 17 65 61 ERMUA



FOTOKOPIAK
KOLOREZKO FOTOKOPIAK
HANDIPENAK - TXIKIPENAK
PLANOAK - AZALEZTAPENAK
FAX PUBLIKOA
INPRIMAKETAK KAMISSETATAN

Komentukua, 6 behea 48260 ERMUA TEL. / FAX 943 17 42 89

ONTINDIA

HARATEGIA

Etxean egindako odoloste eta txorizoak



Kantabria zeharbidea 1
48260 - ERMUA

Tel. 943 10 85 44
Mug. 678 64 85 41




Zubiaurre 14
Telef. 943 17 28 88
48260 ERMUA

EGUZKILORE